

8 CAP. I. DE PERSONIS CUM CAPIENTIBUS,  
 minis completa; & contra scorta rivebantur nudis corporibus.  
 21 Postmodum etiam in antris & veterum murorum monumentis  
 meretrices sese abdebat, latitabantque: imò diobolaria scor-  
 tillae servis & infimis hominibus prostantia inter sepulchra & mo-  
 numenta hærebant, quæ Summenia & Subura dicebantur: quod  
 inter alia ex *Martial. libr. 2. epigr. 17.* & *libr. 6. epigr. 65.* vi-  
 22 dere est. *conf. Turn. lib. 13. adversar. cap. 19.* Sed non modo  
 in lupanaribus suis seu meritoriis quæstum faciebant impudicis-  
 simæ meretrices: sed in triviis etiam vulgo & compitis apud Ro-  
 manos prostituebantur instar vilium canum, quos in triviis Ve-  
 nereis compagibus hærere scribit *Lucret. L. 4. de Rer. Nat. pag.*  
*561.* Quibus etiam ob summam impudentiam meretrices com-  
 parantur, in publico venerem peragentes. vid. c. nuptiarum 41.  
 pr. cap. 27. quæst. 1. ibi: non canino more. & *Andr. Tiraquell. de LL.*  
*Connubial. in l. 9. n. 183.* & *in l. 15. n. 159.* qualcm Lesbiam suam  
 descripsit Catullus:

Illa Lesbia, quam Catullus unam  
 Plus quam se atque amovit omnes,  
 Nunc in quadriviis & angiportis  
 Glubit magnanimos Remi nepotes.

Idem quoque Afris & Græcis solenne fuisse ostendit *Barth. lib.*  
*43. advers. c. 17. pag. 1961.* ubi Salvianum producit de nefandis-  
 simis illis moribus conquerentem *lib. 7. de divis. provident.* Que  
 enim fuit, inquit, pars civitatis non plena sordibus, quæ intra  
 urbem platea, semita non lupanar? Adeo omnia penè compita,  
 omnes vias quasi foveæ libidinum interciderant, aut quasi retia  
 23 prætexebant. Alias vero communiter meretrices in pergulis  
 prostituisse leguntur, ut nudæ à transeuntibus videri possent, &  
 penitus conspiciea, quæ natura obducta & velata esse voluit.  
 vid. *Lips. ad lib. 15. annal. Tacit. num. 58.* hinc verbum stare mere-  
 tricio quæstui familiare est, notante *Barth. libr. 41. adversar. cap.*  
*v.* Sed non prostabant solum apud Romanos in fornicibus me-  
 retricis.